

Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghci Caeuq Sevei Fazcanj Cunghgung Cunghyangh

(ciep banj 5)

(27) **Lai hawj gij cwngcwz guh’ ak nungzyez、ndeileih lajmbanj、nungzminz ndaej fouq haenx engqgya raenhamq.** Laeb caezcienz aen gvaenghgaq douzhaeuj lai yiengh miz caizcwng baujcamg gonq、ginhyungz cungdenj nyengqcoh、ndawbiengz lailai caeuqfaenh haenx, saedbauj mboujduenh gyaak douzhaeuj guhhoengh lajmbanj. Baujhoh caeuq diuhhwnj nungzminz maij guh reihnaz dajndaem haeuxgwn, lai yungh gij cwngcwz gyagwz、boujdiep、baujyiemp daengj bae haeujcoengh caeuq boiqhab. Gyarengz boizbouj gij leih’ik dieg cujyau ok haeuxgwn, hawj dieg ok haeux caeuq dieg siu haeux hamj sengj doxbouj leih’ik. Gyarem guenjeleix sougai caeuq bwhcwkw haeuxgwn. Doicaenh cingouj lai cungj lai yiengh nungzcanjbinj, coicaenh mouyiz caeuq swnghcanj doxdaengh. Doinyoengx gij yausu singz mbanj doxdoeng, gikcoi gak loih vunzcaiz roengz mbanj guh fugsae h caeuq cau hnieb guhhong. Mbaet yungh gyonj yungh gij dieg dajhwnq guh gaicawx cizdij lajmbanj, ciuqfap buenz ok yungh ndei gij dieg caeuq ranz cuengqhoengq, faenloih baujcamg gij dieg lajmbanj hwngfat yungh haenx. Haeujcoengh hwngfat gij cizdij ginghci lajmbanj yienghmoq.

Doengbuenz maeuzveh laebhwnj gij gi hci ciengzseiz fuengzre dauq gungz bienq gungz, dingjmaenh dawzcinj bangfuz, caezcienz yiengh baujcamg baujdae j, lai baengh haifat bae bangfuz, lai hawj gyoengqde gag rox roengzrengz, faen caengz faen loih bangfuz giz dieg mbouj fatdad, laebcaez gij cwngcwz haeujcoengh doengh aen yienh youq mboengq guhhoengh lajmbanj aeu lai bae bangfuz haenx, saedbauj mbouj ok gij saeh baenz buek dauq gungz bienq gungz.

Gouj、Gaijndei Gij Baijbouh Ginghci Gvaengxdieg, Coicaenh Gvaengxdieg Doxdaengh Hwngfat

Gvaengxdieg doxdaengh hwngfat dwg gij yendaiva yiengh Cungguk bonjfaenh aeu baenzneix guh. Langh’ok gij yauqgoj baengh aen canloz gvaengxdieg doxdaengh hwngfat、aen canloz hungnaek gvaengxdieg、aen canloz cujdij gunghnwnzgih、aen canloz hawsingzvaq yienghmoq doxdaeb, gaijndei baijbouh gij swnghcanjliz hungnaek, langh’ok gij rengz gyaaujdemmaj gvaengxdieg youqgaenj, cau hlaeb aen baijbouh ginghci gvaengxdieg caeuq aen di jhi gyanghoeng diegguek gijak doxbouj、ndeivaiq hwngfat.

(28) **Gyaak gvaengxdieg doxdaengh hwngfat.** Maenh saed doinyoengx Baihsae daih haifat cauxbaenz gvaenghgaq moq、Doengbaek cienzmienh saenqhwn g aeunda ej cungbyoengq moq、dieg Cungqgyang gyavaiq hwnghwnj、dieg Baihdoeng gyavaiq doihaeuj yendaiva, coicaenh Baihdoeng Cungqgyang Baihsae、Baihn amz Baihbaek doxdaengh hwngfat. Gyamaenh gyaak gij rengznoengx oklaeng rangh dieg Gingh Cin h Gi、Cangzsanhgoz、Yez Gangj Au Davanhgih ndeivaiq hwngfat. Laebdaeb doicaenh fazcanj rangh dieg ginghci Dahcangzgyangh、baujhoh gij swnghdai rangh dieg Dahvangzhos caeuq hawj de ndeivaiq hwngfat. Ciuq biucinj sang caetliengh sang bae hwnqguh aen hawsingz yendaiva Yungzanh Sinhgi h, daezswng gij daengjgaep gvaengx ginghci dieg Cwngzduh Cungzging. Gikcoi gak dieg langh’ok gij ndei、gij ak bonjfaenh, haeujcoengh doengh aen sengj ginghci ak dawz rapnaek, youq gwnz roen doihaeuj gij yendaiva yiengh Cungguk guh yienghndei byaij youq baihnaj. Gyarengz yungh cwngcwz mbouj doengz bae haeujcoengh, hwngfat guhhoengh gizdieg doenghbaez guh gwzming、gizdieg minzczu z、gizdieg henzguk daengj.

(29) **Coicaenh gvaengxdieg gapfwngz hwngfat.** Doihaeuj hwnqguh diuz doengloh hung hamj gvaengxdieg hamj ranghdah, gyaak gij sezsi h giekdae j gvaengxdieg doxlien z doxdoeng. Lai hawj baenz gyoengq hawsingz youqgaenj doxgap doxlien z hwngfat, coihaeuj diuzlien h cau hmoq diuzlien h canjnieb gvaengxdieg ndeivaiq gapguh. Doinyoengx gyoengq hawsingz duenhgyang Dahcangzgyangh daengj gyavaiq hwngfat, gun ganq laebguh geij aen hawsingz guhdaeuz ndaw gvaengxdieg, engq ndei langh’ok gij rengz doengh dieg hamj gvaengxdieg lien zgiet haenx bae cengjdingj daiqdoengh. Gyalae g hamj hingzcwn ggih doxgap, laeb caezcienz gij gi hci hamj gvaengxdieg doengbuenz maeuzveh、gapguh canjnieb、caemh ndaej ndeicawq daengj, lai damqra yiengh ginghci ranghdah daengj.

(30) **Gaijndei aen gvaenghgaq gyanghoeng diegguek hwngfat.** Gyarem hengzguh aen canloz cujdij gunghnwnzgih, baujciz aen gvaenghgaq dieg bienq hawsingz、dieg cujyau ok nungzcanjbinj、dieg cungdenj baujlouz swnghdai goengnaengz daengx aen onjdingh, guhsae q doekdingh dieg goengnaengz daegbied, laebndei aen gi hci haeujcoengh cwngcwz caeuq aen gi hci gaujhaed

bingzgyaq. Doinyoengx gaijndei aen baijbouh gij canjnieb hab canloz、gij diegguek nwn gzyenz swhyenz daengj. Laebndei aen di jhi gveihva gyanghoeng diegguek, doeksaed gaijndei diuz sienq gaemhanh reihnaz caeuq nazgoek ciengxlwenx、diuz sienqhoengz baujhoh swnghdai、diuz gyaiq hawsingz haifat daengj, faen dieg faen loih miz cabied、guh cingsae q bae guenjceih yunghcawq. Hawj gaep cwngfuj aen sengj engq miz gienz gag guhcawj doengbuenz maeuzveh dieg dajhwnq, damqra cungj guhfap saedhengz gij cungjsoq yungh dieg dajhwnq ciuqcoengz mboengq gveihva bae guenjhaed, saedhengz gyonjhab gij dieg gaemmiz caeuq gij dieg demgya bae gyoebhab gunghawj diegdeih.

(31) **Haeujlaeg doicaenh gij hawsingzvaq yienghmoq aeu vunz guh goek.** Hableix miz bouhloh doicaenh gij vunzgyaeuj daj nungzyez senj ok bienqbaenz vunzgai, doi hengz aen cidu youz gizdieg ciengz youq daenghgeiq hugouj daezhawj yiengh fugsae h caezcaemh ceiq noix. Doicaenh gij hawsingz hungloet hungdaih de ceihleix hab ciuhneix, gyavaiq gyoengq hawsingz gyoebconz baenz caemh aen ndeu caeuq gvaengx hawsingz bienqbaenz aen singz doengzcaemh, gaijndei gij gveihmoz gapgyaq hawsingz, coicaenh singz hung rauh iq caeuq haw iq doxdaengh hwngfat、cingsae q gyonjcomz baijbouh. Faenloih doicaenh hwnqguh yiengh hawsingz aeu yienhsingz guh gaiqdak youqgaenj, gyaak naengzlig cengjdingj canjnieb caeuq engq rox guh yiengh fugsae h vunzlai caezcaemh. Dingjmaenh hawsingz baengh rengzndaw bae hwngfat, gyarengz hengzguh hawsingz vuenhmoq, hwnqguh aen hawsingz yinzminz hab yiengh yendaiva cau hmoq、ndeiy ouq、gyaeunde i、naihniu、vwnzmingz、maenhraeh. Ndeindei hwnqguh gij hawsingz henzguk.

(32) **Gyarengz haifat leihyungh baujhoh dieghaij.** Dingjmaenh doengbuenz maeuzveh dieghawq dieghaij, gyaak gij bonjsae h maeuzveh guenjeleix dieghaij, doinyoengx gij ginghci dieghaij ndeivaiq bae hwngfat, gyavaiq hwnqguh aen guekak dieghaij. Lai roengzrengz cau hmoq gij gohgi dieghaij, gyamaenh daezswng gijak hangz cau hguh canghbei dieghaij, guhhung gij canjnieb ngamq hwng dieghaij, hwngfat hangz fugsae h gwnz haij daehyinh ciuhneix. Guh yiengh saeh diucaz caeuq cazyawj gamcaek dieghaij, doicaenh haifat leihyungh gij nwn gzyenz swhyenz dieghaij caeuq aen dauj gwnz haij, gyarengz baujhoh coi hfuk gij swnghdai vanzging dieghaij youqgaenj. Gyaak aen di jhi cengjdingj baujcamg gaujcaz giz laeg dieghaij caeuq gyaauj digiuz. Laemxsim hen hoh gij gienzik caeuq ancienz dieghaij, gyaak gij bonjsae h gwnz haij caepfap caeuq saeh gwnz haij dawzfap.

Cib、Gikfat Daengx Aen Minzczu z Ak Cau hmoq Ak Cau hguh Vwnzva, Guhhoengh Yiengh Vwnzva Sevei Cuiji

Vwnzva mwnhoengh hwn gvuengh dwg yiengh geiqhauh youqgaenj gij yendaiva yiengh Cungguk. Dingjmaenh aen diegvih Majgwzsw h Cuiji dazyinx yisiz hingzdai, ingbaengh gij vwnzmingz Cunghvaz gvangqlangh naekna, swnhwngq aen cau zliuz saenqsik gisuz hwngfat, hwngfat yiengh vwnzva sevei cuiji miz gij daegsaek Cungguk seizdaih moq youh miz gij rengzak dazyinx swhsiengj、gij rengzak gietcomz cingsaenz、gij rengzak dazyinx gyaciz aeuyiengq、gij rengzak yingjyangj sei qgyaiq, maenh saed doicaenh dajcauh aen guekak vwnzva.

(33) **Hwngcienz caeuq hengzguh aen hwzsinh gyacizgvanh sevei cuiji.** Engq rox yungh sim bae hag、bae cienzgangj son’gyauq gij lij lun cau hmoq Dangj raeuz, laebdaeb mbouj cuengqsoeng bae yungh Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz daeuj comz sim couq hoenz. Cau hmoq hengzguh hangh hong muhag caeuq laebndei gij lij lun Majgwzsw h Cuiji, gyavaiq cau hlaeb aen di jhi miz gij cihsiz cezyoz sevei gohyoz Cungguk bonjfaenh. Aeu aen hwzsinh gyacizgvanh sevei cuiji dazyinx guhhoengh vwnzva, lai baengh vwnzva ciengx ceiqheiq、ganq cingzdiuh, rungxciengx gij cingsaenz simsingq daengx aen minzczu z caengqheiq fwd fwd bae buekguh haenx. Hwngcienz yiengh vwnzva lauxsaed souj saenqyungh、yiengh vwnzva seuqcengh. Gyarengz caeuq gaijndei gaiq hong swhsiengj cwngci, doicaenh hwnqguh yiengh vwnzva hag dangz, yungh ndei swhyenz saekhoengz, gyarengz son’gyauq hawj bouxcoz nyezrauh miz lijsiengj saenqniemh. Doengbuenz maeuzveh gaiq hong hwnqguh yiengh cingsaenz vwnzmingz hawsingz lajmbanj, hawj bek singq engq gangj vwnzmingz caeuq ndawbiengz engqgya vwnzmingz. Gyarengz guh ndei guenj ndei gij neiyungz gwnz vangj. Engq rox baengh saenqsikvaq ceihleix gij hongsaeh vwnzva.

(cienj banj 7)